

百子全书

易林序

大凡變化象數莫逃乎易惟人之情偽最為難知筮者尚占憂者與處貢明且哲乃留其術俞
嚴耕東鄙自前因蒙客有枉駕蓬廬以焦辭數軸出示俞嘗讀班史列傳及歷代名臣譜系諸
家雜說之文盛稱自夫子授易於商瞿僅餘十輩延壽經傳於孟喜固是同時當西漢元成之
間凌夷厥政先生或出或處輒以易道上干梁王遂為郡察舉詔補小黃令而邑中隱伏之事
皆預知其情得以寵異蒙遷秩亦卒於官次所著大易通變其卦總四十九十六題事本彌綸
同歸簡易辭假出於經史其意合於神明但齋潔精專舉無不中而言近意遠易識難詳不可
瀆蒙以為辭弗後之好事如君行者則子雲之書為不朽矣昔聖唐會昌景虞歲周止主白靈
越之雲溪漢王俞序

1

[illegible]

易林總目

卷一

乾

坤

屯

蒙

需

訟

師

比

小畜

履

泰

否

同人

大有

謙

豫

卷二

隨

蠱

臨

觀

噬嗑

賁

剝

復

无妄

大畜

頤

大過

坎

離

卷三

咸

恒

遯

大壯

晉

明夷

家人

睽

蹇

解

損

益

夬

姤

萃

升

卷四

困

井

革

鼎

震

艮

漸

歸妹

豐

旅

巽

兌

渙

節

中孚

小過

既濟

未濟

易林目錄終

易林目錄

百子全書

二歸藏山

焦氏易林卷一

漢 焦贛撰

乾之第一

乾 道陟石阪胡言連蹇譯瘖且聾莫使道通請謁不行求事無功

坤 招殃來警害我邦國病傷手足不得安息

屯 陽孤亢極多所恨惑車傾益亡身常憂惶乃得其願雌雄相從

蒙 鵠鵠鳴鳩專一無尤君子是則長受嘉福

需 目矐足動喜如其願舉家蒙寵

訟 龍馬上山絕無水泉喉焦唇乾舌不能言

師 倉盈庾億宜種黍稷年豐歲熟民人安息一作國家富有人民蕃息與比之升坤之恒同

比 中夜犬吠盜在牆外神明祐助消散皆去

剝 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與坤同

否 載日晶光驂駕六龍祿命徹天封為燕王

同人 子號索哺母行求食反見空窠警我長息

有大上帝之生福祐日成脩德行惠樂且安寧

謙山險難登澗中多石車馳轡擊載重傷軸擔負差躑趺踣右足

豫禹鑿龍門通利水源東注滄海民得安從一作存

隨乘龍上天而蛇為輔踴躍雲中遊觀滄海民樂安處

蠱彭祖九子據德不殆南山松柏長受嘉福

臨南山昊天刺政閔身疾悲無辜背憎為仇

觀江河淮海天之奧府眾利所聚可以饒有樂我君子

嗑噬堅冰黃鳥常哀悲愁不見甘粒但見藜蒿數驚驚鳥為我心憂

賁室如懸磬既危且殆早見之士依山谷處

剝大禹戒路蚩尤除道周匝萬里不危不殆見其所使無所不在

復三人為旅俱歸北海入門上堂拜謁主母飲勞我酒

妄傳言相誤非于徑路鳴鼓逐狐不知跡處

畜三年爭妻相逐奔馳終日不食精氣勞疲

頤純服黃裳戴上以興德義既生天下歸仁

過大桀跖並處人民愁苦擁兵荷糧戰於齊魯

坎黃鳥來集既嫁不答念我父兄思復邦國

離 胎生享乳長息成就充滿帝室家國昌富

咸 三人求橘反得大栗女貴以富黃金百鎰

恒 東山西岳會合俱食百家送從以成恩福

遯 眇難無距與鵲交鬪翅折目盲為鳩所傷

大 卻大墻壞蠹眾木折狼虎為政大降罪罰高弑望夷胡亥以斃

晉 三癡俱走迷路失道惑不知歸反入患口

明 弓矢俱張把彈折弦九發不至道遇害患

家 三女求夫不見復關伺候山隅長思憂歎

睽 陽旱炎災傷害禾穀穡人無食耕夫嘆息

蹇 騎牯逐羊不見所望徑涉虎廬亡軀失羔

解 暗昧冥語相傳誑誤鬼魅所舍誰知卧處

損 姬姜祥淑二人偶食論仁議福以安王室

益 公孫駕驪載聘東齊延陵說產遺季紵衣

夬 孤竹之墟失婦亡夫傷於蒺藜不見少妻東郭索姜武氏以亡

姤 仁政不暴鳳凰來舍四時順節民安其處

萃 任劣力薄辱驚惡怯如蝟見鵲不敢拒格

升 衛侯東遊惑於少姬亡我考妣久逝不來

困 噂噂所言莫如我垣歡喜堅固可以長安大有

井 驚鳴岐山鼃應山淵男女媾精萬物化生文王以成為開周庭咸一

革 玄黃虺隤行者勞疲役夫憔悴踰時不歸

鼎 弱足剛跟不私出門市賈不利折亡為患

震 懸貍素餐居非其安失與剝廬休坐徒居

艮 民怯伐惡姦人所伏寇賊大至入我邦郭妻子係獲一本為妹辭

漸 陽低頭陰仰首水為凶傷我寶進不利生其子

妹歸 背北相憎心意不同如火與金一本為艮辭

豐 太微帝室黃帝所值藩屏固衛不可得入常安無患

旅 繭栗犧牲敬享鬼神嗜飲食受福多孫

巽 出門逢惡為患為怨更相擊刺傷我手端

兌 鷁飛中退舉事不進宋人亂潰

渙 跛躄相隨日暮牛罷陵遲後旅失利亡雌泰之復同

節 龍魚博顙位至公卿世祿久長起動安寧

坤 舜升大禹石夷之野徵詣王庭拜治水土師之小畜同

過小 從風放火荻芝俱死三害集房叔子中傷
濟既 梗生荆山命制輸班袍衣剝脫夏熱冬寒飢餓枯槁衆人莫憐
濟未 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼配毒為國災患

需 霜降閉戶蟄蟲隱處不見日月與死為伍小畜之解

訟 天之德室溫仁受福衣裳所在凶惡不起

師 皇陞九重絕不可登謂天蓋高未見王公

比 孔德如玉出於幽谷飛上喬木鼓其羽翼輝光照國

剝 五範四軌復得饒有陳力就列騶虞悅喜四足無角君子所服南征述職以惠我國

履 敝笱在梁魴逸不禁漁父勞苦連室乾口

泰 雷行相逐無有攸息戰於平陸為夷所覆

否 六龍爭極服在不飾謹慎管鑰結禁無出

同 長男少女相向共語析薪在尅福祿歡喜

有大 遷延惡人使德不通災火為殃禾穀大傷

謙 脩其翰翼隨風向北至虜夏國與舜相得年歲大樂邑無盜賊

豫 鈐刀攻玉堅不可得盡我筋力眠繭為疾

比之大過

隨 舉袂覆目不見日月衣裳簠簋就長夜室

泰之臨同

蠱 賊人傷德大怒不福斬刈宗社失其邦國

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中舍和建德常受天福

需之夬坤之解俱同

噬嗑 稷為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 衆尤所逐反作光怪九身無頭魂驚魄去不可以居

姤 延頸遠望昧為目病不見叔姬使伯心憂

畜 典冊法書藏在闌臺雖遭亂潰獨不遇災

大有之恒

頤 自衛反魯時不可與冰炭異室仁道隔塞

過 瘤癰瘡疥為身瘡害疾病癘殘常不屬遠

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安

比之蠱
賁之睽

咸 膏澤肥壤農人豐敬利居長安歷世無患

乾之師
比之升

恒 倉盈庾億宜種黍稷年豐歲熟民得安息

遯 鷓鴣破斧邦人危殆賴旦忠德轉禍為福傾危復立

壯 歲飢無年虐政害民乾谿驪山秦楚結冤

晉 捌絮累累締結難解嫫母銜嫁媒不得坐自為身禍

大過
之兌

夷 訾取開門鶴鳴彈冠章甫進用舞韶和鸞三人翼事國無災患

家人 姊妹本居與類相扶願慕羣醜不離其友

睽 邯鄲反言父兄生患涉此憂恨卒死不還

蹇 三人逐兔各爭其得愛妾善走多獲其子

解 北辰紫宮衣冠立中宮和建德常受天福

坤之觀
需之夬

損 拜跪請免不得其哺俛首銜枚低頭北去

益 鶴盜我珠逃於東隅求我郭墟不見所居

夬 一簧兩舌妄言謀訣三姦成虎曾母投杼

姤 伯虎仲熊德義洵美使布五穀陰陽順序

一作孤獨特處莫與為旅身
自勞苦使布五穀陰陽順序

萃 褰衣涉河澗流浚多賴遇舟子濟脫無它

升 憑河登山道路阻難求事少便

困 免置之容不失其恭和謙致樂君子攸同

井 三女求夫伺候山隅不見復關泣涕漣如

革 螟蟲為賊害我五穀單筍空虛家無所食

需之明夷

鼎 望尚阿衡太宰周公藩屏輔弼福祿來同

震 三年生狗以成戊母荆夷上侵姬伯出走

需之訟否之姤年一本作牛

艮 塗回道塞求事不得

漸 探懷得蚤所愿失道

一本下有無有山憂善居漸好

姤 飛蟻過道趾多擾垣居之不安覆厭為患

豐 義不勝情以欲自傾幾危利寵折角摧頸

旅 潼瀨蔚蒼扶首來會津液下降流潦滂霈

巽 白駒生芻猗猗盛姝赫誼君子樂以忘憂

兌 車馳人超卷甲相仇齊魯寇戰敗於大邱

渙 舉首望城不見子貞使我悔生

節 龍鬬時門失理傷賢內畔生賊則生禍難

中孚 安如泰山祿祜屢臻雖有豹虎不敢危身

小過 初憂後喜與福為市八佾列陳飲御嘉友訟之

既濟 持刀操肉對酒不食大行從軍少子入獄抱膝獨宿

未濟 陰衰老極陽建其德履離戴光天下昭明功業不長蝦蟆代王否之无妄大有之臨代一本作大

屯之第三

屯 兵征大宛北出玉關與胡寇戰平城道西七日絕糧身幾不全

乾 汎汎栢舟流行不休耿耿寤寐心懷大憂仁不逢時復隱窮居

坤 採薪得麟大命隕顛蒙雄爭名天下四分豫之未濟

蒙 山崩谷絕大福盡竭涇渭失紀玉歷盡已

需 夏臺羨里文王所厄鬼侯輸賄商王解合

訟 泥津汗辱棄捐溝瀆所共笑哭終不顯錄

師 李梅冬實國多盜賊擾亂並作君不得息同人損

比 獐鹿逐牧飽歸其居反還次舍無有疾故訟之小畜

剝 夾河為婚期至無船淫心失望不見所歡

履 百足俱行相輔為強三聖翼事王室寵光比之无妄

泰 坐位失處不能自居調攝違和陰陽顛倒

否 登几上興駕駟南遊合從散橫燕秦以強

人同 三系維弩無益於輔域弱不守郭君受計

有 河伯大呼津不得渡船空無人往來亦難

謙 甘露醴泉太平機關仁德感應歲樂民安

師之兌大過之未濟

豫 重茵厚席循晨採藿雖躋不懼後反其它

又云猿墮高木痺痿手足保我金玉還歸其室

隨 太乙駕騶從天上來徵我叔季封為魯侯無有凶憂

需之大壯否

蠱 南已大矣石斛戟天所指不已已老復一將畫乃嫁墟敝室舊更為新家

臨 家給人足頌聲並作四夷賓服干戈韜閣

一作觀卦

觀 東隣嫁女為王妃后莊公築館以尊王母歸於京師季姜悅喜

一作臨卦既濟

噬 陳媯敬仲兆興齊姜營邱是適八世大昌

比之師

賁 路多枳棘步刺我足不利旅客為心作毒

損卦

剝 天官列宿五神共舍宮闕光堅君安其居

復 牧羊稻園聞虎呻喧懼畏惕息終免禍患

否之節

无 嗚條之災北奔大胡左袵為長國號匈奴主君旄頭立尊單于

大 尅身潔已逢禹巡狩錫我玄圭拜受錫佑

頤 久華不實國多盜賊疾病難醫鬼哭其室